# 10. kafli – Klæðnaður

Ég man aðeins eftir örfáum fataverslunum þegar ég var að alast upp á sjöunda og áttunda áratugnum í Reykjavík. *Vinnufatabúðin* var á sama stað og hún er núna, á Laugavegi 76. Þar keypti fólk vinnuföt; gallabuxur, vinnuskyrtur, búðarsloppa og margt annað. Þegar ég var tólf ára fékk ég fyrsta sumarkaupið mitt og fór í Vinnufatabúðina og keypti mér smekkbuxur. Mér fannst þær ótrúlega smart. Þá gat ég haft verkfæri hangandi í buxunum þegar ég var að smíða mér kofa með vinum mínum. Hversdags var ég í rauðum hnébuxum úr flaueli, rúllukragabol og lopapeysu, alltaf eins.

Ég man líka eftir fataversluninni *Verðlistinn* sem var á Laugalæk. Verslunin seldi kvenfatnað; síðkjóla, peysur, blússur og dragtir. Þar voru keypt á mig spariföt. Ég man eftir dressi, buxum og vesti, úr bláu og þéttu prjónaefni. Vestið var með ljósbláu kögri og svo sítt að það náði niður á hné.

Þegar við systurnar fermdumst fengum við buxnadragtir úr grófriffluðu flaueli í Karnabæ í Austurstræti 22, flottustu tískuvöruverslun bæjarins á þeim tíma. Dragtin mín var drapplituð, buxurnar útvíðar og jakkinn stuttur. Undir jakkanum var ég í dökkbrúnni skyrtu og svo var ég í þykkbotna skóm eins og þá voru í tísku.

Verslunin Karnabær var fyrsta eiginlega tískuvöruverslunin á Íslandi. Lítil verslun með innfluttum tískufötum var opnuð 16. maí árið 1966 á horni Skólavörðustígs og Týsgötu. Fljótlega opnaði fyrirtækið fleiri verslanir sem seldu snyrtivörur, tískufatnað, skófatnað og hljómplötur. Fimmtán árum síðar var Karnabær orðin tískuvörukeðja á Íslandi með 27 verslanir út um allt land og eigin saumastofu. Allir voru í fötum úr Karnabæ. Allir voru eins.

#### Verkefni 10.1

1. Finndu samsett nafnorð yfir föt í textanum.
2. Finndu lýsingarorð sem notuð eru til að lýsa fötum og efnum í textanum.

#### Að vera í...

Þegar fólki er lýst er oft sagt frá klæðnaði þess. Þá er oftast notað orðasambandið að vera í einhverju. Forsetningin í stjórnar í þessu tilviki þágufalli af því að setningin í heild lýsir kyrrstöðu.

Hann er í <u>buxum</u> (kvk.ft.þgf.); buxur → buxum Hún er í <u>stuttermabol</u> (kk.þgf.); stuttermabolur → stuttermabol Skotar eru stundum í <u>pilsi</u> (hk.þgf.); pils → pilsi Ég er í <u>skóm</u> (kk.ft.þgf.); skór → skóm Það er líka hægt að lýsa klæðaburði fólk með sögninni *klæðast*. Fatnaðurinn er þá í þágufalli.

Hann klæðist gjarna gallabuxum og svörtum rúllukragabol. Hún klæðist alltaf mjög fínum fötum.

Einnig er hægt að lýsa klæðaburði með *vera klæddur í*. Þá er hins vegar notað þolfall.

Strákurinn var klæddur í bláar gallabuxur og hvítan bol. Konan var klædd í grátt pils og ljósan jakka.

#### Að vera með...

Fólk er ekki bara í fötum heldur líka oft *með eitthvað*, s.s. bindi, vettlinga, trefil og húfu. Í útlitslýsingum er oft nefnt að fólk sé *með gleraugu*. Forsetningin *með* stjórnar hér þolfalli.

Hann er með <u>bindi</u> (hk.þf.); bindi → bindi Hún er með <u>eyrnalokka</u> (kk.ft.þf.); eyrnalokkar → eyrnalokka Margir eru með <u>gleraugu</u> (hk.ft.þf.); gleraugu → gleraugu Ég er með <u>trefil</u> (kk.þf.); trefill → trefil

### Verkefni 10.2

Hvað er yngri karlinn með?
Hvað er eldri karlinn með?
Í hverju er stelpan?
Í hverju er strákurinn?

### Verkefni 10.3

Hvernig eru Stefán og Dísa í vinnunni? Settu rétt orð í eyðurnar. Athugaðu að fötin eru alltaf í þágufalli á eftir *vera í* og fylgihlutirnir alltaf í þolfalli á eftir *vera með*.

Stefán og Dísa eru alltaf	í finum	í vinnunni af því að
þau vinna bæði í banka. S	Stefán er alltaf í dökkum	og
í hvítri	. Hann er alltaf með	

úr silki og með svört		Venjulega er hann í
	og með	. Dísa er
oftast í	, stuttu	, hvítri
	og þröngum	. Hún er
alltaf í	og	

föt og fylgihlutir fyrir Stefán	föt og fylgihlutir fyrir Dísu
jakkaföt-in (ft.)	dragt-in
skyrta	blússa
bindi	jakki
leðurskór-nir (ft.)	pils-ið
gullúr	nælonsokkabuxur-nar (ft.)
gleraugu (ft.)	háhælaðir skór

### **Stofnsamsetning**

Þegar fyrri liður samsetts orðs er stofn, eins og í orðunum *skófatnaður, tannbursti* og *gleraugu*, kallast samsetta orðið **stofnsamsetning**.

eintala			
nf.	skó-r	tönn	gler
þf.	skó	tönn	gler
þgf.	skó	tönn	gler-i
ef.	skó-s	tann-ar	gler-s
fleirtala			
nf.	skó-r	tenn-ur	gler
þf.	skó	tenn-ur	gler
þgf.	skó-m	<b>tönn-</b> um	gler-jum
ef.	skó-a	tann-a	gler-ja

Í töflunni er feitletraður hluti orðanna *skór, tönn* og *gler* stofninn, þ.e. *skó-, tönn-* (*tann, tenn-*) og *gler-*. Í orðinu *tönn* eru sérhljóðavíxl í stofni. Í sumum beygingarmyndum er sérhljóðið -*ö*-, í öðrum er sérhljóðið -*a*- og í enn öðrum er það -*e*-. Upprunalegt sérhljóð þessa stofns, -*a*-, sést í eignarfalli eintölu og eignarfalli fleirtölu.

# Eignarfallssamsetning eintölu

Þegar fyrri liður samsetts orðs er í eignarfalli eintölu, eins og í orðunum *lopapeysa*, rúskinnsskór og ullarföt, kallast samsetta orðið **eignarfallssamsetning eintölu**.

eintala			
nf.	lop-i	rúskinn	ull
þf.	lop-a	rúskinn	ull
þgf.	lop-a	rúskinn-i	ull
ef.	lop-a	rúskinn-s	ull-ar

### Eignarfallssamsetning fleirtölu

Þegar fyrri liður samsetts orðs er í eignarfalli fleirtölu, eins og í orðunum varalitur, fataskápur og eyrnalokkar, kallast samsetta orðið eignarfallssamsetning fleirtölu.

ef.	var-a	fat-a	eyr-na
þgf.	vör-um	föt-um	eyr-um
þf.	var-ir	föt	eyr-u
nf.	var-ir	föt	eyr-u
fleirtala			

### **Tengistafssamsetning**

Stundum er stafur á milli orðanna sem er ekki beygingarending á fyrra orðinu, eins og í orðunum *leikfimishús*, *dótabúð*, *landareign* og *sippuband*. Þessi samsettu orð eru kölluð **tengistafssamsetningar** (eða bandstafssamsetningar). Í töflunni eru beygingar nafnorðanna *leikfimi* og *land*. Kvenkynsorðið *leikfimi* er aðeins til í eintölu og það er eins í öllum föllum. -s- í samsetningunni *leikfimishús* er því tengistafur en ekki beygingarending. Hvorugkynsorðið *land* beygist reglulega. Beygingarmyndin -ar kemur aldrei fyrir í beygingardæminu. Því telst *landareign* vera dæmi um tengistafssamsetningu.

eintala		
nf.	leikfimi	land
þf.	leikfimi	land
þgf.	leikfimi	land-i
ef.	leikfimi	land-s
fleirtala		
nf.		lönd
þf.		lönd
þgf.		lönd-um
ef.		land-a

#### Verkefni 10.4

Myndaðu samsett orð úr nafnorðunum.

Efni	Hlutir	Samsett orð
leður	peysa	lopapeysa
tré	stígvél	
gúmmí	stóll	
silfur	poki	
plast	jakki	
gler	sokkar	
rúskinn	vasaklútur	
ál	skór	
bómull	bolur	
lopi <sup>L</sup>	panna	
ull	vasi	
silki	hringur	

# Í kulda og frosti

Á veturna er nauðsynlegt að klæða sig vel á Íslandi. Það er gott að vera með hlýja vettlinga eða hanska á höndunum. Sumir eru með lopavettlinga, aðrir með fingravettlinga úr bómull eða ull og enn aðrir með leðurhanska. Það er líka gott að vera með eitthvað um hálsinn, trefil, klút, slæðu eða jafnvel sjal. Sumir eru alltaf með ullartrefil um hálsinn, aðrir eru ekki jafn kulvísir og láta sér nægja að vera með silkiklút eða silkislæðu um hálsinn. Það er líka ágætt að vera með ullarsjal og setja það yfir höfuðið í mesta kuldanum. En auðvitað er nauðsynlegast af öllu að vera með góðu húfu á höfðinu. Í mestu vindum og verstu óveðrum er ekki hægt að vera með hatt. Þá er best að vera með lambhúshettu sem skýlir líka andlitinu. Sumir eru reyndar bara með ennisband. Líklega eru flestir Íslendingar í dúnúlpum og kuldaskóm á veturna af því að það er svo kalt. Börn eru yfirleitt í samfestingum eða snjógalla og geta þá leikið sér í snjónum án þess að finna fyrir kulda. Og auðvitað eru allir í ullarsokkum og ullarnærfötum innan klæða. Í gamla daga voru nærbolir prjónaðir úr eingirni og voru þeir kallaðir klukkur. Þá voru líka allir í síðum ullarnærbuxum sem voru kallaðar föðurland.

### Verkefni 10.5

Skoðaðu	samsettu	nafnorðin	textanum	hér á	undan.	Gefðu	eitt c	dæmi	um	hverja
gerð sam	setninga.									

Stofnsamsetning:	
Eignarfallssamsetning eintölu:	
Eignarfallssamsetning fleirtölu:	

### Að fara í...

Orðasambandið *að fara í eitthvað* lýsir hreyfingu. Forsetningin *í* stjórnar þolfalli í því tilviki.

Hann fer í <u>buxurnar</u> (kvk.ft.þf.); buxurnar → buxurnar Hún fer í <u>stuttermabolinn</u> (kk.þf.); stuttermabolurinn → stuttermabolinn Hann fer í <u>peysuna</u> (kvk.þf.); peysan → peysuna Ég fer í <u>skóna</u> (kk.ft.þf.); skórnir → skóna

### Að setja á sig...

Fólk fer ekki bara í föt heldur *setur líka eitthvað á sig*, s.s. bindi, vettlinga, trefil og húfu. Sagnorðið *setja* stjórnar hér þolfalli.

Hann setur á sig <u>bindi</u> (hk.þf.); bindi → bindi Hún setur á sig <u>eyrnalokka</u> (kk.ft.þf.); eyrnalokkar → eyrnalokka Ég set á mig <u>gleraugu</u> (hk.ft.þf.); gleraugu → gleraugu Ég set á mig <u>trefil</u> (kk.þf.); trefill → trefil

### Íþróttaföt

Þegar ég fer í ræktina fer ég alltaf í svört íþróttaföt. Oftast fer ég í íþróttabuxur og ermalausan bol og svarta íþróttaskó. Þegar ég fer út að hlaupa fer ég í gula hlaupaskó, hvíta íþróttasokka og svo fer ég auðvitað í hlaupagallann minn. Ég set alltaf á mig trefil og húfu svo að mér verði ekki of kalt. Stundum fer ég í sund á eftir og þá fer ég í sundbol. Svo set ég á mig sundhettu. Áður en ég fer ofan í sundlaugina set ég á mig froskalappir og sundgleraugu. Á eftir fer ég í heita pottinn í smástund.

### Verkefni 10.6

Á eftir orðasambandinu *að fara í* eru nafnliðirnir í þolfalli. Settu þá í þágufall.

ég fer í + þolfall	ég er í + þágufall
íþróttaföt	
íþróttabuxur	
ermalausan bol	
svarta íþróttaskó	
gula hlaupaskó	
hvíta íþróttasokka	

hlaupagallann			
bláan sundbol			
Á eftir orðasambandinu nefnifall.	a <i>að setja á sig</i> eru nafnorðin í þolfalli. Settu þau í		
ég set á mig + þf.	nefnifall		
trefil			
húfu			
sundhettu			
froskalappir			
sundgleraugu			
Að fara úr			
_	arf það <i>að fara úr yfirhöfnunum</i> . Þegar það háttar sig á <i>a úr fötunum</i> áður en það fer í náttfötin. Forsetningin <i>úr</i>		
Hún fer úr <u>bol</u> Hann fer úr <u>pe</u>	xunum (kvk. ft. þgf.); buxurnar → buxunum num (kk. þgf.); bolurinn → bolnum ysunni (kvk. þgf.); peysan → peysunni um (kk. ft. þgf.); skórnir → skónum		
Að taka af sér			
Fólk þarf líka <i>að taka f</i>	ylgihluti af sér. Sagnorðið taka stjórnar hér þolfalli.		
Hann tekur af sér <u>bindi</u> (hk. þf.); bindi → bindi Hún tekur af sér <u>eyrnalokka</u> (kk. ft. þf.); eyrnalokkar → eyrnalokka Ég tek af mér <u>gleraugu</u> (hk. ft. þf.); gleraugu → gleraugu Ég tek af mér <u>trefil</u> (kk. þf.); trefill → trefil			
Verkefni 10.7			
Skoðaðu eftirfarandi se	tningar. Í hvaða falli eru undirstrikuðu nafnliðirnir?		
Gamla konan er með <u>ha</u>	att, regnhlíf, gleraugu og hund.		
Maðurinn er í jakka, bu	xum, skyrtu og stígvélum.		

Ég set á mig eyrnalokka og hálsfesti.
Ég fer úr skónum áður en ég geng inn.
Ég tek af mér trefilinn og húfuna þegar ég kem inn.
Maðurinn er í jakka, buxum, skyrtu og stígvélum.
Maðurinn fer úr jakkanum, buxunum, skyrtunni og stígvélunum.
Verkefni 10.8
Lýstu fólkinu á myndunum.
Konan
Karlinn
Önnur stelpan
Hin stelpan
Strákurinn

Hjónin lei	ðast. Konan ei	ſ	 	
Karlinn			 	

### Að prjóna

Hávar: Hvað ertu að gera?

Þorgerður: Ég er að prjóna lopapeysu.

Hávar: Á sjálfa þig?

Þorgerður: Nei, ég ætla að gefa frænda mínum hana.

Hávar: Hverjum?


Þorgerður: Honum Gunnari, systursyni mínum. Hann er sjómaður og þarf hlý

föt. Á ég að prjóna eina handa þér?

Hávar: Nei, ég þoli ekki lopapeysur og auk þess er ég með ofnæmi fyrir ull.

### Verkefni 10.9

Kristján er að fara í ferðalag til útlanda. Hérna sjáið þið ferðatöskuna hans. Hann ætlar að fara með... Athugaðu að hafa öll nafnorðin í þolfalli á eftir forsetningunni *með*.



skyrta
peysa með vaffhálsmáli
einir / tvennir skór
eitt par / tvö pör af skóm / sokkum
skópar / sokkapar
einar / tvennar buxur
ein / tvenn sólgleraugu
röndótt / doppótt bindi
einir / tíglóttir sokkar
trefill
vasaklútur
tannbursti

Verkefni 10.10
Hvað er hægt að kaupa í þessum verslunum?
Í bakaríum kaupir maður
Í bókabúðum er hægt að fá
Í fataverslunum fást
Í gjafavöruverslunum
Í gleraugnaverslunum
Í gæludýrabúðum
Í húsgagnaverslunum
Í leikfangaverslunum
Í lyfjabúðum
Í matvöruverslunum
Í skóbúðum
Í snyrtivöruverslunum
Ísioppum

# Orðalistar

Að vera í (+bgf.), að fara í (+bf.) og að fara úr (+bgf.)

110 veru i (+pg1.); do juru i (+p1.) og do juru ur (+pg1.)			
Skófatnaður	föt	Yfirhafnir	
gúmmístígvél-in (ft.)	blússa	anorakkur	
skór-nir (ft.)	bolur	frakki	
gönguskór	buxur-nar (ft.)	kápa	
háhælaðir skór	gallabuxur	pels-inn	
inniskór	jakkaföt-in (ft.)	regnkápa	
íþróttaskór	jakki	úlpa	
kuldaskór	kjóll-inn	yfirhöfn-in	
spariskór	peysa	•	
strigaskór leðurstígvél-in	pils		
(ft.)	samfestingur		
stígvél-in (ft.)	skyrta		

10

sokkabuxur sokkur	
stuttbuxur	
dragt	

Að vera í (+bgf.), að fara í (+bf.) og að fara úr (+bgf.)

Nærföt	Náttföt	Sundföt
nærföt (ft.)	náttbuxur	sundbolur
brjóstahaldari	náttföt (ft.)	sundföt (ft.)
nærbolur	náttkjóll-inn	sundhetta
nærbuxur	náttsloppur	sundskýla
	nátttreyja	_

Að vera með (+bf.), að setja á sig (+bf.) og að taka af sér (+bf.)

Ýmis útiföt	Ýmsir fylgihlutir	Skartgripir
hanski	axlabönd-in (ft.)	armband
hattur	belti-ð	eyrnalokkur
húfa	bindi-ð	hálsfesti-n
klútur	gleraugu	hálsmen
sjal	smekkur	hringur
slæða	svunta	næla
trefill-inn	vasaklútur	skartgripur
vettlingur	(þver)slaufa	úr

Að vera með (+\pf.), að taka með sér (+\pf.) budda, bursti, greiða, poki, regnhlíf-in, taska, veski-ð

### Hluti af fötum og skóm

ermi-n ermi á jakka, ermi á skyrtu, ermi á blússu

hnappur hnappar á peysum

hæll-inn hæll á skóm, háir hælar, lágir hælar

kragi á skyrtu, rúllukragi á peysu, blúndukragi á kjól

reim-in reimar á skóm, skóreimar

rennilás-inn rennilás á úlpu

sóli sóli undir skóm og stígvélum

tala tölur á skyrtu

vasi vasi á úlpu, rassvasi á gallabuxum; úlpuvasi, jakkavasi, buxnavasi